



楚之先出自帝顓頊高陽高陽生稱稱生卷章卷章生黎

少昊之妻也九黎亂德民神雜糅不可方物顓頊受之命

少昊氏之子曰重為南正司天以屬神命黎為火正司地

以屬民黎以火正事帝嚳高辛能光融天下帝命之曰祝

融使為重黎共工氏作亂帝使重黎誅之而不盡帝乃以

庚寅日誅重黎而以其弟吳回為重黎重出於少昊黎出於高陽當高陽之

世重黎實二人也至帝嚳之世火正兼稱重黎蓋以黎兼重黎是以重黎既誅而獨以吳回為重黎然則楚之先實黎而非

吳回生陸終陸終生子六人坼剖而產長曰樊為

昆吾次曰惠連為參胡三曰箴為彭祖四曰求言為會人

五曰安為曹姓六曰季連為芊姓楚其後也昆吾氏為夏



伯湯之彭祖氏為殷伯殷衰而彭祖氏滅季連生附沮  
附沮生少熊其後中微或在中國或在蠻夷弗能紀其世  
其裔孫曰鬻熊事周文王早卒其子曰熊麗熊麗生熊狂  
熊狂生熊繹周成王舉文武勤勞之後以子男之田封熊  
繹於荊蠻居丹陽成王會諸侯於岐陽荊蠻不得與盟置  
斧鉞設望表與鮮卑守燎熊繹生熊艾熊艾生熊熙熊熙  
生熊勝熊勝以弟熊揚為後熊揚生熊渠熊渠生子三人  
當周夷王時王室微諸侯或不朝相侵伐熊渠甚得江漢  
間民和乃興兵伐庸楊粵至于鄂熊渠曰我蠻夷也不與  
諸國之號謚乃立其長子庚為句亶王中子紅為鄂王少  
子執疵為越章王皆在江上及周厲王暴虐熊渠以之

王號熊渠卒長子康蚤死子熊摯紅立摯紅卒其弟熊延  
弒而代立熊延生熊勇熊勇六年周厲王奔彘熊勇十年  
卒弟熊嚴為後熊嚴有子四人長子伯霜中子仲雪次子  
叔堪少子季徇熊嚴十年卒伯霜立是為熊霜熊霜元年  
周宣王初立熊霜六年卒三弟爭立仲雪死叔堪逃於濮  
而季徇立是為熊徇熊徇聰明和協蓋其先君遠氏將起  
叔堪而立之不克十六年鄭桓公始封二十二年熊徇卒子熊  
罍立熊罍九年卒子熊儀立是為若敖若敖二十二年周幽  
王為犬戎所殺周東徙二十七年若敖卒子熊坎立是為  
宵敖宵敖六年卒子熊駒是為蚡冒若敖蚡冒筭路籃纒  
以啓山林於是始為成國十七年蚡冒卒其弟熊通殺其



世子而自立是為武王熊通之十九年而魯隱公之元年也熊通始大稍侵陵中國諸侯畏之三十二年蔡侯鄭伯會于鄧以謀我三十五年侵隨使遠章求成隨侯使少師來鬪伯比曰漢東之國隨為大隨張必棄小國少師侈請羸師以張之熊率且比曰季梁在何益鬪伯比曰少師得其君終必從之乃毀軍而納少師少師歸請追我師季梁止之曰天方授楚楚之羸其誘我也君盍脩政而親兄弟之國以待之乎隨侯從之師還三十七年夏會諸侯于沈鹿黃隨不會使遠章讓黃而身自伐隨戰于速杞隨師敗績獲其戎車與其戎右少師隨人請成不許鬪伯比曰天去其疾矣未可克也乃及隨盟熊通歸而自立為王始

濮地而有之三十八年使鬪廉伐鄧敗之四十年屈瑕鬪廉敗鄧師於蒲騷四十一年屈瑕伐絞敗之四十二年屈瑕伐羅易之不設備大敗縊而死五十一年始以戰為軍王帥之以伐隨卒于師鬪祁屈重祕不發喪以兵臨隨及隨侯盟而還子文王熊貲立文王始都郢二年伐申過鄧鄧祁侯止而享之鄧騅甥聃甥養甥請殺王鄧侯弗許三甥曰亡鄧國者必此人也夫六年代蔡虜蔡哀侯以歸初蔡侯息侯皆取於陳息媯過蔡蔡侯不為禮息侯怒故啓我伐蔡侯怨之譽息媯於王王如息以食入享遂滅息以息媯歸生堵敖及成王不言王問之曰吾一婦人而事二夫縱不能死其又奚言十年王為之伐蔡以說十二年代



鄧滅之秋伐鄭十四年冬巴人伐我十五年春王禦之六  
 敗於津還鬻拳弗納遂伐黃敗黃師于踏陵還及湫有疾  
 六月文王卒鬻鬻拳葬諸夕室亦自殺而葬於經皇文王方  
 事中國而齊桓公始伯諸侯附焉故不能成大功子熊羆  
 立是為堵敖堵敖三年欲殺弟熊惲惲奔隨與隨人襲羆  
 堵敖而自立是為成王史記文王十三年卒子熊羆立  
 難五年為弟熊惲所殺按左傳魯  
 莊公四年楚武王卒則文王元年在魯莊公五年至魯莊  
 公十九年文王卒則文王在位十五年而熊羆在位三年  
 史記失之矣熊羆熊惲皆息媯之子至是皆十餘年耳  
 立之事必有大臣專之者而左傳史記皆不言其後十  
 年無征伐會盟明成元年始修聘諸侯春秋書荆貢獻於  
 王勿宋能治國矣

王王錫之命曰鎮尔南方夷越之亂無侵中國於是楚地  
 千里成王幼委政大臣令尹子元欲盡文夫人為館於其

宮側而振苦西焉夫人聞之泣曰先君以是舞也習我備今  
 令尹不尋諸仇讎而於未亡人之側不亦異乎子元耻之  
 六年秋子元以車六百乘伐鄭諸侯救鄭我師夜遁子元  
 歸遂處於王宮闕射師諫執而梏之八年秋申公闕班殺  
 子元闕穀於菟為令尹自毀其家以紓楚國之難始周成  
 王封熊繹於荊雜居蠻夷之間故孔子作春秋謂之荆而  
 不人及闕穀於菟為政始以禮治國改號曰楚十三年伐  
 鄭春秋書曰楚人伐鄭然猶未得與諸侯齒也十四年伐  
 鄭囚鄭駟伯十五年秋諸侯會于陽穀以謀我冬復伐鄭  
 十六年齊桓公以諸侯來伐責王貢之不入齊師次于陘  
 使屈完如師齊桓公為之退舍召陵陳諸侯之師與屈完乘



而觀之相公曰豈不穀是爲先君之好是繼與不穀同好如何對曰君若辱收寡君寡君之願也相公曰以此衆戰誰能禦之以此攻城何城不克對曰君若以德綏諸侯誰敢不服君若以力楚國方城以爲城漢水以爲池雖衆無所用之乃盟而還十七年滅弦十八年秋圍許諸侯救許師還冬蔡侯以許男見於武城許男面縛銜璧王禮而釋之二十二年伐黃二十四年滅黃二十七年春伐徐齊人以諸侯救徐冬敗徐于婁林二十九年齊相公卒三十年鄭伯來朝王賜之金旣而悔之與之盟曰毋以鑄兵三十二年伐隨三十三年宋襄公將合諸侯使來告我許之執會于孟執宋公以伐宋冬諸侯盟于薄釋宋公春秋書

始曰楚子而先陳蔡三十四年鄭伯來朝宋公伐之王伐宋以救鄭大敗宋師于泓還過鄭鄭伯享之取鄭二姐以歸君子以此知成王之不能終也三十五年秋成得臣伐陳取焦夷城頓闕穀於菟以令尹授之遠呂臣曰子若國何對曰吾以靖國也有大功而無貴仕其人能靖者有幾時晉公子重耳自齊來王厚遇之送之於秦三十六年宋成公來朝三十七年秦人克商密闕克屈禦寇戍焉秦人囚之以歸成得臣追秦師不及遂圍陳納頓子于頓三十八年夏魯人來乞師以伐齊秋滅夔宋人叛我即晉冬成得臣伐宋圍緡師及魯人伐齊取穀使申公叔侯戍之三十九年將復伐宋使闕穀於菟治兵於睽終朝而畢不戮



一人成得臣復治兵於蔦終日而畢鞭七人貫三人耳國  
老賀子文子文飲之酒蔦賈後至不賀問之對曰子之傳  
政於子玉曰以靖國也靖諸內而敗諸外所獲幾何子玉  
剛而無禮不可以治民過三百乘其不能以入矣冬王以  
諸侯圍宋四十年晉侯伐曹衛以救宋王入居于申使申  
叔去穀使得臣去宋得臣不可使鬪椒請戰曰非敢必有  
功也願以間執讒慝之口王怒少與之師遂與晉師遇晉  
侯避之三舍楚衆欲止得臣不可戰于城濮我師敗績王  
使謂得臣曰大夫若入其若申息之老何得臣自殺蔦呂  
臣爲令尹晉侯聞之喜曰莫余毒也已四十四年使鬪章  
聘于晉晉使陽處父來報於是晉楚復通四十五年令尹  
子上侵陳蔡成遂伐鄭晉陽處父侵蔡子上救之晉楚夾  
泚而軍約退舍以紓晉晉將涉水而陣旣退處父宣言曰  
楚師遁矣皆歸太子商臣譖之曰納賂以避晉楚之耻也  
王殺子上初王將以商臣爲太子子上曰君之齒未也而  
又多愛黜乃亂也楚國之舉常在少者且足人也逢蠹目而  
豺聲忍人也不可立也弗聽旣又欲立王子職商臣知之  
四十六年十月以宮甲圍王王請食熊蹯而死弗聽縊而  
卒謚之曰靈不瞑曰成乃瞑商臣立是爲穆王穆王二年  
秋圍江三年秋滅江四年夏滅六秋滅蓼六年晉靈公初  
立范山言於王曰晉君少不在諸侯北方可圖也八年春  
師于狼淵以伐鄭鄭人請成夏侵陳克壺丘秋復侵陳



陳人獲我公子茂懼而請成冬使越椒聘于魯春秋書曰  
楚子使椒來聘始與諸侯比九年鬪宜申及仲歸謀弑王  
王殺之秋王會陳侯鄭伯蔡侯伐宋宋人道之以田孟諸  
宋公為右孟鄭伯為左孟十二年穆王卒子莊王旅立元  
年成嘉潘崇將襲群舒使公子燮及鬪克守二子作亂城  
郢而使賊殺嘉不克八月二子以王出將如商密廬戡黎  
及叔麋誘而殺之莊王即位三年不出號令日夜為樂令  
國中有敢諫者死伍舉入諫王左抱鄭姬右抱越女坐鐘  
鼓之間伍舉曰願有進隱有鳥在於阜三年不蜚不鳴是  
謂鳥也王曰三年不蜚蜚將冲天三年不鳴鳴將驚人舉  
曰矣吾知之矣居數月深益甚大夫蘇從入諫王曰若不

聞令乎對曰殺身以明君臣之願也於是罷淫樂聽政所  
誅者數百人所進者數百人任伍舉蘇從以政國人大說  
是歲大饑戎伐我西南至于阜山又伐我東南至于陽丘  
庸人帥群蠻以叛我麋人帥百濮聚於選將伐我於是申  
息之北門不啓謀徙於阪高以避寇焉賈曰我能往寇亦  
能往不如伐庸彼謂我饑不能師故伐我若我出師必懼  
而歸從之師興而百濮罷使廬戡黎侵庸庸人囚子楊窓  
三宿而逸曰庸師衆群蠻聚焉不如益大兵以伐之師叔  
曰不可姑又與之遇以驕之彼驕我怒而後可克也從之  
七遇皆北王乃乘駟會師于臨品秦人巴人皆至群蠻懼  
請盟遂伐庸滅之六年鄭叛晉從我陳叛我從晉秋王



侵陳遂侵宋七年晉趙盾以諸侯之師侵鄭鬪椒救之次于鄭以待晉趙盾曰彼宗競于楚殆將斃矣姑益其疾乃去八年春伐陸渾之戎觀兵于周郊天子使王孫滿勞王王問鼎之大小輕重滿曰在德不在鼎成王定鼎于郊鄆卅世三十卅年七百天所命也周德雖衰天命未改鼎之輕重未可問也九年司馬鬪椒工正遠賈讒令尹鬪般殺之椒為令尹賈為司馬椒又殺賈將遂攻王王以三王之子為質弗受戰于臯澣椒再射王中車師懼退王使巡師曰先君文王克息獲三矢焉伯棼竊其二盡於是矣鼓而進之遂滅若敖氏鬪椒者令尹子文之弟子良之子也生而子文惡之欲殺之子良不可故及於亂子文之孫箴尹克黃使於齊還而聞亂其人欲亡克黃曰君命不可棄也歸而自拘於司敗王思子文之治楚國曰是不可以無後使復其所師連歲伐陳鄭滅舒蓼十五年陳夏徵舒弑其君平國孔寧儀行父來奔十六年伐陳殺夏徵舒因縣陳群臣皆賀申叔時使齊來獨不賀王問之曰牽牛以蹊人田田主奪之牛蹊者信有罪矣而奪之牛罰已重矣諸侯之從也曰討有罪也今縣陳貪其富也以討召諸侯而以貪終之無乃不可乎王曰善哉吾未之聞也乃復封陳鄉取一人以歸謂之夏州而納公孫寧儀行父于陳十七年春王圍鄭三月克之鄭伯肉袒牽羊以逆曰孤不天不能事君使君懷怒以及弊邑孤之罪也敢不唯命是聽其俘諸



江南以實海濱亦唯命其翦以賜諸侯使臣妾之亦唯命  
若惠顧前好徼福於厲宣栢武使改事君夷於九縣君之  
惠也孤之願也左右曰不可許也得國無赦王曰其君能  
下人必能信用其民矣庸可幾乎退三十里而許之乎潘  
廙入盟子良出質六月晉師救鄭及河聞鄭既及楚平荀  
林父欲還其佐先穀不可以中軍佐濟晉師從之王欲還  
嬖人伍參勸戰從之戰於邲大敗晉師次于衡雍潘黨請  
築武軍而收晉尸以爲京觀王曰非爾所知也夫文止戈  
爲武禁暴戢兵保大定功安民和衆豐財所以爲武也武  
有七德我無一焉何以示子孫其爲先君宮告成事而已  
武非吾功也古者明王伐不敬取其鯨鯢而封之以爲大  
戮於是乎有京觀以懲淫慝今罪無所而民皆盡忠以死  
君命又可以爲京乎祀于河作先君宮告成事而還冬伐  
蕭宋人蔡人救蕭蕭人囚熊相宜僚及公子丙王曰勿殺  
吾退蕭人殺之王怒圍蕭蕭潰申公巫臣曰師人多寒王  
巡三軍拊而勉之三軍之士皆如挾纊十九年王使申舟  
聘於齊曰無假道于宋使公子馮聘于晉曰無假道於鄭  
孟諸之役舟爲司馬宋公違令舟戮其僕以是惡宋辭曰  
鄭昭宋龔晉使不害我則必死王曰殺女我伐之見犀而  
行及宋宋人執之王聞之投袂而起屨及於室皇劍及於  
寢門之外車及於蒲胥之市九月圍宋晉救不至而宋人  
不服二十年師將歸申犀稽首於馬前曰無畏知死而不



敢廢王命王棄言焉王不能答申叔時僕曰築室反耕者  
宋必聽命從之宋人懼使華元夜入楚師登司馬側之牀  
以病告側懼與之盟而告王退三十里而與之平二十三  
年莊王卒子共王審立莊王之季年魯人乞師以伐齊華  
王卒我師不出共王二年魯人以晉師伐齊令尹公子嬰  
齊將救齊大戶已責逮鰥救乏赦罪悉師王卒盡行彭名  
御戎蔡景公為左許靈公為右侵衛及魯魯人以賂請盟  
十一月及諸侯之大夫盟于蜀晉人畏其衆不敢爭是役  
也使巫臣聘于齊旦告師期巫臣與公子側爭夏姬遂以  
夏姬亡奔晉晉人以為邢大夫側請以重幣錮之王不許  
彼為先君謀所蓋多矣若能利晉國雖重幣何益四年  
師伐鄭側救鄭鄭伯與許男訟不能決五年許鄭來訟  
鄭伯不勝歸而請成于晉六年嬰齊伐鄭藥書救鄭遇於  
繞角我師還七年嬰齊復伐鄭諸侯救鄭盟于馬陵鄭人  
以我鄭公鐘儀巫臣之出也嬰齊及側盡滅其族而分其  
室巫臣自晉遺二子書曰爾以讒慝貪恡事君而多殺不  
辜余必使爾罷於奔命以死遂請於晉侯而使於吳教吳  
乘車戰射道之叛楚吳於是始伐楚伐巢伐徐嬰齊奔命  
馬陵之會吳入州來嬰齊自鄭奔命二子於是一歲七奔  
命蠻夷屬於楚者吳盡取之大為楚患八年晉藥書侵我  
獲申驪九年以賂求鄭伯鄭伯會我公子成于鄧秋晉人  
伐之嬰齊伐陳以救鄭自陳伐莒取渠丘及鄆晉人歸鐘



儀以求成十二月使公子成報焉十年晉使糴莩來聘十  
一年宋華元來人曰楚之成十二年五月晉士燮會我公  
子罷許偃盟于宋西門之外晉卻至來聘王享之子側  
相爲地室而縣密以登金奏作於下鷙而走出復入而辭曰  
如天之福兩君相見何以易此側曰兩君相見亦唯一矣  
以相遺焉用樂卻至譏焉晉人以此知成之不能久也冬  
公子罷如晉涖盟十五年夏王將北師公子貞曰新與晉  
盟奈何背之側曰敵利則進何盟之有申叔時老矣在申  
聞之曰子反必不免遂侵鄭及衛許人畏偪於鄭請遷於  
以十一月使公子申遷許於葉十六年使公子成以汝陰  
田求成于鄭鄭人叛晉夏晉侯伐鄭王救之側將中軍

娶晉將左丘夫將右過申側見申叔而問焉曰師其如何  
對曰子內棄其民而外絕其好瀆齊盟而食話言好時以  
動而疲民以逞將何以戰吾殆不見子矣戰于鄆陵呂錡  
射王中目我師敗績既夕側命軍吏察夷傷補卒乘繕甲  
兵展車馬將復攻晉晉人患之苗賁皇徇曰蒐乘補卒秣  
馬厲兵脩陳固列蓐食申禱明日復戰乃逸楚囚王聞之  
召側醉不能見王曰天敗楚也夫遂夜遁去賜側死十七  
年夏諸侯伐鄭嬰齊救之諸侯還冬諸侯復伐鄭壬夫救  
之諸侯還公子橐師襲舒庸滅之十八年夏王伐宋納魚  
石于彭城以三百乘戍之而還宋人伐彭城冬嬰齊救彭  
城晉悼公救宋遇於靡角我師還十九年諸侯伐鄭壬夫



救鄭侵宋呂留右司馬申多受小國之賂以偪令尹司馬  
二十年殺申二十一年春嬰齊伐吳克鳩茲至于衡山使  
鄧廖侵吳吳人敗之獲鄧廖歸飲至三日吳人取駕國人  
咎焉嬰齊遂以憂死六月晉侯會諸侯于雞澤壬夫為令  
尹侵欲於小國陳叛我使表僑如會秋使公子何忌侵陳  
二十二年陳成公卒將伐陳聞其喪而止陳不聽命夏彭  
名侵陳二十三年討陳叛故殺壬夫以公子貞為令尹以  
伐陳二十五年貞復圍陳諸侯會于鄆以救陳我師執陳  
公子黃陳侯逃歸二十六年春鄭人為晉侵蔡冬貞伐鄭  
鄭人請成二十七年秦伯使來乞師將以伐晉王許之貞  
曰不可當今吾不能與晉爭晉程類能而使之君明臣忠

上讓下競當是時也晉不可敵事之而後可王曰吾既許  
之矣遂師于武城以為秦援冬十月諸侯伐鄭鄭人請成  
王伐鄭鄭人亦成莊夫人卒王未能定鄭而還二十八年  
夏貞及鄭師伐宋秋諸侯伐鄭及晉平貞救鄭鄭人宵  
涉潁以盟我晉師歸我師亦歸二十九年四月諸侯復伐  
鄭盟于亳城北王及秦師伐鄭鄭伯來逆與我伐宋九月  
諸侯復伐鄭鄭及晉盟使良宵來告絕時晉悼公復伯諸  
侯畏之鄭固與晉我不敢復爭三十年貞及秦師伐宋王  
逆女子秦三十一年王疾病召大夫而告之以馭之辱諸  
謚靈若厲九月共王卒大夫將以王命謚貞曰君命以其  
若之何毀之赫赫楚國而君臨之撫有蠻夷奄征南海以



屬諸夏而知其過可不謂共乎請謚之共大夫從之子康  
王昭立吳侵我公子午及養由基禦之大敗吳師於庸浦  
元年貞師于棠以伐吳師還不戒吳人敗我師于臯舟之  
隘冬貞卒將死謂公子午必城郢二年午為令尹舉楚國  
之賢者寘之列位於是楚治三年晉荀偃伐我公子格禦  
之戰于湛阪我師敗績五年晉人圍齊鄭公子嘉欲去諸  
大夫將叛晉而起楚師以告令尹午午以諸侯之睦於晉  
也不許王強之午伐鄭無功而還七年陳公子黃來奔八  
年令尹午卒使遠子馮為令尹訪於申叔豫豫曰國多寵  
而王弱不可為也遂辭以疾以公子追舒為令尹觀起有  
寵於追舒無祿而多馬楚人患之九年殺追舒復以遠子  
馮為令尹十年陳侯來朝公子黃愬焉慶虎慶寅以陳  
建從陳侯圍陳殺二慶而納黃十一年王為舟師以伐吳  
不為軍政無功而還齊莊公伐晉懼而求好於我使遠  
彊聘于齊齊使陳無宇來報秋諸侯會于夷儀以伐齊王  
伐鄭以救齊吳召舒鳩人舒鳩人叛我王師于荒浦使讓  
焉舒鳩子告不叛且請受盟王不許遠子馮曰彼告無罪  
若何伐之姑歸息民彼若不一吾無求矣若猶叛我無詞  
有庸師還十二年舒鳩卒叛屈建為令尹伐舒鳩滅之以  
遠掩為司馬書土田賦車籍馬及兵車徒卒甲楯之數  
成以授屈建王將賞舒鳩之功屈建辭曰先大夫遠子之  
功也乃以與遠掩十三年許靈公來朝詩伐鄭卒于楚



曰不伐鄭何以求諸侯十月伐鄭時宋向戌將合晉楚之  
成鄭公孫僑曰晉楚將平不如使逞而歸遂不禦我獲九  
父而還十四年夏屈建會晉趙武及諸侯之大夫盟于宋  
人衷甲且請先軟晉人不較諸侯是以惡我秋晉荀盈  
來盟還罷如晉泣盟十五年以宋盟故鄭游吉來聘及鏞  
辭之以致鄭伯冬宋公魯侯陳侯鄭伯許男皆來十二月  
不康王卒宋公未至而反諸侯皆至子熊麋並是為邾  
初元年四月葬康王諸侯皆送葬王子圍為令尹王弱而  
令尹強諸侯知圍之不臣也二年圍殺司馬遠掩而取其  
至四年圍會晉趙武及諸侯之大夫于虢因聘于鄭且至  
公孫段氏將遂襲鄭鄭人知之不克冬圍將復聘于

不出境聞王有疾而還入問王疾繼而弑之及其二  
與平夏右尹王子比奔晉宮廐尹士子黑肱奔鄭殺太子  
伯州犁圍自立是為靈王靈王者共王之子而康王之弟  
也二年冬鄭伯來朝三年春許男來朝王皆止之以田江  
南伐椒舉如晉求諸侯二君待之王問鄭公孫僑曰晉其  
許我乎對曰晉君少安不在諸侯其大夫多求莫匡其君  
在宋之盟又曰如一何故不許王曰諸侯其來乎對曰從  
宋之盟承君之權不畏大國何故不來不來者其魯衛曹  
邾乎曹畏宋邾畏魯魯衛偏於齊而親於晉唯是不來其  
餘君之所及也王曰然則吾所求者無不可乎對曰求逞  
於人不可與人同欲盡濟椒舉至晉晉侯許之六月合諸



侯于申惟魯衛曹邾不至椒舉言於王曰臣聞諸侯無歸  
禮以爲歸今君始得諸侯其慎禮矣伯之濟否在此會也  
宋向戌鄭公孫僑在諸侯之良也王其訪焉三使問禮於  
二子向戌獻公合諸侯之禮六僑獻伯子男會公之禮六  
徐子吳出也王以爲貳於吳執之宋太子佐後至王田於  
武城弗見於是王以侈驕諸侯椒舉諫曰夏桀爲仍之會  
有緡叛之商紂爲黎之蒐東夷叛之周幽王爲太室之盟  
夷狄叛之皆汰故也今君以汰無乃不濟乎弗聽子產見  
向戌曰吾不患楚矣汰而復諫不過十年戌曰然不十年  
其惡不遠遠惡而後棄善亦如之德遠而後興七月三  
吳圍朱方執齊慶封殺之盡滅其族將戮慶

負之斧鉞以徇於諸侯使言曰無或如齊慶封殺其君弱  
其孤以盟其大夫慶封曰無或如楚共王之庶子圍弒其  
君兄之子麋而代之盟諸侯王使速殺之遂以諸侯滅  
賴遷賴於鄢使鬬圍龜公子去疾城賴將以遷許申無宇  
曰楚旣之首將在此矣召諸侯而來伐國而克城竟莫校  
王心不違民其居乎民之不處其誰堪之不堪王命乃禍  
亂也冬吳伐我入棘櫟麻四年王以屈申爲貳於吳殺之  
使令尹遠罷如晉逆女晉使韓起羊舌肸送之旣至王  
將以起爲閹以肸爲司宮以辱晉訪諸大夫大夫莫對遠  
啓疆爭之乃止十月王以諸侯伐吳吳敗我師于鵠岸吳  
子使其弟蹶由犒師執之以歸五年夏使公子棄疾聘于



晉秋遠罷伐吳吳敗我師丁房鐘六年成章華之臺將與諸侯落之使遠啓疆召魯侯夏魯侯來朝王享之於章華七年陳哀公卒哀公之弟招殺其太子偃師而立公子留九月王使棄疾帥師奉孫吳以伐陳十一月滅陳放陳公子招殺陳孔奐而使穿封戌爲陳公八年王會諸侯之大夫于陳遷許于城父十年三月王召蔡靈公于申伏甲而享之醉而執之四月殺之刑其士七十人使棄疾帥師圍蔡滅之用隱太子友于闕山使棄疾爲蔡公王問於申無字曰棄疾在蔡何如對曰擇臣莫若君鄭莊公城櫟而寘子元使昭公不立齊桓公城穀而寘管仲至于今賴之臣聞五大不在邊五細不在庭親不在外羈不在內今棄疾在外鄭丹在內君其少戒且未大必折尾六不掉君所知也十一年夏殺成熊以爲若敖氏之餘也而誅之冬伐徐以懼吳王次于乾谿以爲之援鄭丹見王與之言欲求鼎於周求許於鄭王心汰侈無厭丹不敢逆左史倚相趨過王謂丹曰是良史也子善視之丹因言曰是安得爲良史昔周穆王將肆其心周行天下將皆必有車轍馬迹祭公謀父作祈招之詩以止王心王是以獲沒於祗宮臣問其詩而不知也王曰然則子知之乎丹爲王誦之曰祈招之愔愔式昭德音思我王度式如玉式如金刑民之力而無醉飽之心王感其言揖而入饋不食寢不寐數日不能自克以及於難十二年春王之舊怨遠掩之族及遠居許圍



蔡洧蔓成然越大夫常壽過因王在外帥群喪職之徒以作亂圍固城克息舟城而居之蔡之遺臣朝吳觀從因之以蔡公棄疾之命召公子比公子黑肱既至命蔡人奉棄疾以盟二子帥陳蔡不羹許葉之師因息舟之隙以入楚殺王太子祿及公子罷敵比爲王黑肱爲令尹棄疾爲司馬使觀從從師于乾谿令曰先歸復所後者劓師及訾梁而潰王聞太子之死也自投于車下曰人之愛其子也亦如余乎侍者曰甚矣小人老而無子知擠于溝壑矣王曰吾殺人子多矣能無及此乎鄭丹言於王請待於郊以聽國人王曰衆怒不可犯也曰若入於大都而乞師於諸侯曰皆叛矣曰若亡於諸侯以爲大國之圖君也王曰大

禍不再祇取辱焉丹棄工而歸王泌夏將入鄢王嘗有言於申無宇無宇之子亥求王遇於棘圍以歸五月王縊工申亥氏國人不知每夜駭曰王入矣棄疾因以作亂使之夜走而呼曰王至矣國人大驚使蔓成然告比黑肱曰王至矣國人殺君司馬將來矣君若早自圖也可以無辱又有呼而至者曰衆至矣二子皆自殺棄疾即位名曰熊居是爲平王葬子干于訾謂之訾敖殺囚衣之王服而流諸漢取而葬之以靖國人使蔓成然爲令尹觀從爲卜尹楚師還自徐吳人敗諸豫章獲其五帥王於是封陳蔡復遷邑致群賂施舍寬民宥罪舉職楚人安焉初共王有子五人無適立乃大有事於群望而埋璧於庭曰當璧而拜者



神所立也使五人齊而長入拜康王跨之靈王肘加焉子  
干子皙皆遠之平王幼抱而入再拜皆壓紐鬪韋龜知之  
故使其子成然事焉康王既以長立至子不終靈王暴虐  
不得其死子干子皙皆以無援不立而平王出君陳蔡國  
入附焉卒有楚國如神之命十月吳滅州來蔓成然請伐  
吳王曰吾未撫民人未事鬼神未脩守備未定國家而用  
民力敗不可悔州來在吳猶在楚也子姑待之元年夏使  
然丹簡上國之兵於心丘使屈罷簡東國之兵於召陵且  
撫其民令曰息民五年而後用師國遂以安令尹成然恃  
其勞也與養氏比而志無度王患之九月殺成然而滅養  
氏之族使成然之子子居鄭以續鬪氏之後二年王之

人費無極害蔡朝吳譏而逐之三年春使然丹誘戎

嘉殺之而立其子四年冬吳伐我戰于長岸大敗吳師獲

其乘舟餘皇吳人宵敗我師取餘皇以歸五年冬使王子

勝遷許于白羽以避鄭六年春使工尹赤遷陰于下陰使

令尹陽句城郟魯叔孫姑聞之曰楚不在諸侯矣王之在

蔡也生太子建及即位使伍奢爲之師費無極爲少師無

極無寵於太子太子娶于秦無極勸王取之因言於王請

大城城父而寘太子以通北方王說而從之楚於是始亂

冬城州來沈尹戌曰楚必敗矣昔吳滅州來子旗請伐之

王以撫民辭焉今未嘗撫民而城州來以挑吳能無敗乎

七年費無極言於王曰建與伍奢將以方城之外叛王以



問奢奢曰君一過多矣何信於讒王怒執奢使城父司馬奮揚殺太子未至而遣之太子奔宋無極曰奢之子才若在吳必憂楚國王使召之其長子尚至少子貞奔吳王并殺奢與尚貞至吳言伐楚之利卒為楚禍八年宋華氏為亂不克使華登來乞師王使遠越帥師助之太宰犯諫曰釋君而助臣可乎王悔之蔡侯朱既立費無極取貨於東國使蔡人出朱而立東國朱來愬王將為之討蔡無極言為乃止九年宋華亥向寧華定來奔十年秋吳伐州來遠越帥諸侯之師救之遇於鐘離吳人敗頓胡沈蔡之師我師大奔冬十月吳入郟取太子建之母及其寶器以歸蒙遠追之弗及縊於蘧篚囊瓦為令尹城郢沈尹戌曰子少亡郢古者天子守在四夷天子卑守在諸侯諸侯守在四鄰諸侯卑守在四境慎其四境結其四鄰民狎其野三務成功民無內憂而又無外懼國為用城今吳是懼而城於郢守已卑矣卑之不獲能無亡乎十一年秋王為舟師以略吳疆沈尹戌曰此行也楚必亡邑不撫民而勞之吳不動而速之吳踵楚而疆場無備邑能無亡乎王及圍陽而還吳人踵楚而邊人不備遂滅巢及鐘離沈尹戌曰亡郢之始於此在矣十二年冬使遠射城州屈以復茄人城丘皇以遷訾人使熊相謀築巢使季然葉卷民益不安十三年九月平王卒囊瓦將立王子申曰太子壬弱其母非適也建實聘之申怒曰王有適嗣而廢之必殺令尹瓦懼



乃立太子是爲昭王申平王長燕子也元年春吳子使掩  
餘燭庸伐我我師禦之吳師不能退吳公子光因以弑吳  
子掩餘奔徐燭庸奔鐘吾我師還左尹卻宛直而和國人  
說之費無極與鄢將師惡之讒之囊瓦而殺之及陽令終  
晉陳皆滅其族伯州犁之孫嚭出奔吳國人謗之沈尹戌  
告瓦曰吳新有君疆場日駭子適於讒人而殺三不辜以  
興大謗國有大事子其危矣瓦懼殺無極將師以說於國  
四年吳掩餘燭庸來奔王封之於養將以害吳公子申諫  
曰吳光新得國而親其民視民如子辛苦同之將用之也  
若好吾邊疆使柔服焉猶懼其至今又強其讎以怒之無  
乃不可乎王弗聽吳子怒執鐘吾子而伐徐滅之徐子來  
奔沈尹戌救徐不及吳始用伍員爲三軍以肄楚楚於是  
始病五年矣再侵我八年夏桐叛我秋囊瓦伐吳敗於豫  
章蔡昭侯來朝爲兩佩兩裘以其一獻王而服其一以朝  
囊瓦欲之弗與三年止之唐成公來朝有兩驢驢馬囊瓦  
欲之弗與亦三年止之九年唐人竊馬以獻乃歸唐侯蔡  
人聞之固請獻佩亦歸蔡侯歸及漢沈玉而誓曰余  
所有濟漢而南者有若大川遂如晉請伐我十年三月晉  
爲蔡合諸侯於召陵求賄不得而止蔡侯因伍員伯嚭以  
告於吳冬蔡侯唐侯以吳子伐我舍舟于淮汭自豫章與  
楚夾漢左司馬戌謂囊瓦曰子夾漢而與之上下我悉方  
城外以毀其舟還塞大隧直轅冥軛子濟漢而伐之我自



後擊之必大敗之既謀而行武城黑謂瓦曰吳用木也我  
用革也不如速戰史皇曰楚人惡子而好司馬若司馬毀  
吳舟于淮塞城口而還是獨克吳也必速戰不然不免乃  
濟漢而陳自小別至于大別三戰瓦知不可欲奔史皇曰  
安求其事難而逃之將何所入子必死之初罪必盡說闔  
廬之弟夫既王先擊囊瓦之卒瓦先奔我師亂遂大敗瓦  
亡奔宋吳師從我五戰及郢王出奔吳入郢伍員發平王  
之墓鞭之左司馬戍及息而還敗吳師于雍澁三戰皆傷  
遂死之王入於雲中盜以戈擊王王孫由于以背受之中  
清王奔鄖鄖公辛之弟懷將弑王曰平王殺吾父我殺其  
子不亦可乎辛止之與其弟巢以王奔隨吳求王於隨公  
子結似王將逃王而已為王隨人不與王割結心以與隨  
人盟申包胥以王命而乞師于秦曰吳為封豕長蛇荐食  
上國虐始於楚寡君失守社稷越在草莽使下臣告急曰  
夷德無厭若鄰於君疆場之患也逮吳之未定也君其取  
分焉若楚之遂亡君之士也若以君靈撫之世以事君秦  
伯曰寡人聞命矣子姑就館將圖而告子對曰寡君越在  
草莽未獲所伏下臣何敢即安立依於庭墻而哭日夜不  
絕聲勺飲不入口七日秦哀公為之賦無衣九頓首而坐  
秦師乃出十一年夏秦子蒲子虎帥車五百乘以救我與  
我師敗夫既王于沂公子結亦敗吳師於軍祥七月滅唐  
九月夫既王歸自立秦楚交敗吳師吳王乃歸十月王入



于郢王之奔隨也將涉於成曰藍尹亶涉其孥不與王舟  
王定將殺之公子申曰子常惟思舊怨以敗君何効焉王  
曰善使復其所吾以志前惡王賞鬪辛王孫由于王孫圉  
鐘建鬪巢申包胥王孫賈宋木鬪懷申請舍懷王曰大德  
滅小怨道也申包胥曰吾為君也非為身也君既定矣又  
何求且吾尤子旗其又為諸遂逃賞十二年四月吳敗我  
舟師獲大夫九人又敗我陵師國人大惕懼亡令尹申喜  
曰乃今可為矣於是遷郢於郢而改紀其政以定楚國二  
十年二月結及陳師滅頓五月越敗吳于檇李闔閭傷而  
死吳由此怨越不暇伐楚二十一年滅胡二十二年春王  
及諸侯圍蔡以報柏舉里而裁廣文高倍九日而畢如令  
尹之素蔡人男女以辨使疆于江汝之間而還蔡於是請  
遷子吳秋吳王夫差伐陳楚大夫聞之皆懼曰闔閭惟能  
用其民是以敗我今聞其嗣又甚將若之何申曰二三子  
恤不相睦無患吳矣昔闔閭身自約也而恤其民民不罷  
勞而爭為之死吾先大夫子常易之所以敗我也今夫差  
次有臺榭陂池宿有妃嬪嬪御一日之行玩好必從玆異  
是聚視民如讎而用之日新夫先自敗也已安能敗我二  
十五年克戎蠻氏蠻子赤奔晉晉人為我執之以歸二十  
七年春吳伐陳王為之出師于城父七月將救陳卜戰不  
吉卜退不吉王曰然則死也再敗楚師不如死死一也其  
死讎乎命申為王不可則命結亦不可則命啓五辭而後



許將戰王有疾方攻大冥卒于城父啓曰君王捨其子而讓群臣敢忘君乎從君之命順也立君之子亦順也與申結謀潛師閉塗逆越女之子章而立之是爲惠王是歲也有雲如衆赤鳥夾日以飛三日王問之周太史史曰其當王身乎若禳之可移於令尹司馬王曰除腹心之疾而實諸股肱何益不穀不有大過天其天諸有罪受罰又焉移之遂弗禳初昭王有疾卜曰河爲祟大夫請祭諸郊王曰三代命祀祭不越望江漢睢漳楚之望也禍福之至不是過也不穀雖不德河非所獲罪也亦弗祭孔子曰楚昭王知天道矣其不失國也宜哉惠王三年伐陳四年結復伐陳七年申復伐陳九年申結伐吳初太子建居鄭鄭人殺之建子勝在吳申召之以爲白公請伐鄭以復父讎申許之而未行晉人伐鄭楚救之與之盟而還勝怒曰鄭人在此讎不遠矣十年吳伐慎勝敗之請以戰備獻許之遂作亂七月殺申結于朝以兵劫啓將立之啓曰王孫若安靖楚國匡正王室而後畀正而啓之願也敢不聽從若將專利以傾王室不顧楚國有死不能遂殺之劫王以如高府圍公陽穴宮負王以如昭十八人之宮葉諸梁在蔡以方城之外伐之勝敗奔山而縊王復位諸梁兼令尹司馬陳人因亂伐我十一年七月公孫朝帥師滅陳以申之子國爲令尹結之子寬爲司馬而諸梁歸老於葉十六年越滅吳越人不能正江淮之北楚東侵廣地至泗上四十二年滅蔡



四十四年滅杞與秦平五十七年惠王卒子簡王中立簡王元年北伐滅莒二十四年簡王卒子聲王當立聲王

年韓魏楚始列為諸侯史記簡王八年韓魏趙始為諸侯今考之三晉世家及年表當在此年也

六年盜殺聲王子悼王熊疑立悼王二年三晉來伐至乘

丘而還三年歸榆關于鄭四年伐周圍鄭九年伐韓取負

黍十一年三晉來伐敗我大梁榆關我厚賂秦與之平王

之季年吳起自魏來王任以為相明法責實楚國以治而

大臣宗室害之二十一年悼王卒貴戚作亂攻殺吳起子

肅王臧立肅王四年蜀伐我取茲方於是為扞關以距之

十年魏取我魯陽十一年肅王卒無子立王弟熊良夫是

為宣王宣王六年周天子賀秦獻公秦始復強而三晉亦

益大十六年魏惠王圍趙邯鄲昭襄王卹謂宣王曰王不如

無救趙以強魏魏強其割趙必深趙不聽必堅守是兩弊

也景舍曰不然夫魏之攻趙也恐楚之攻其後今不救趙

趙有亡形而魏無楚憂是楚魏共趙也害必深矣何謂兩

弊乎且魏以兵深割趙趙見亡形而楚不救已必與魏合

而以謀楚故王不如少出兵以為趙援趙恃楚勁必與魏

戰魏怒於趙之勁而見楚救之不足畏也必不釋趙趙魏

相弊而齊秦應楚則魏可破也楚因使景舍起兵救趙邯

鄲拔楚取睢濊之間齊敗魏桂陵三十年秦孝公封衛鞅

於商南侵我是年宣王卒子威王熊商立威王六年齊魏始稱王越王無彊伐齊齊宣王使人說越王勸之伐楚越



主從之釋齊伐我我興師伐之大敗越人殺王無疆盡取  
故吳地至浙江北因此怨齊田嬰七年伐齊敗之於徐州  
令齊必逐田嬰張丑為嬰說王曰王知所以戰勝於徐州  
者乎田盼子者齊之名將也嬰子不善而用申紀申紀者  
大臣不附百姓不為用故王勝之今逐嬰子則盼子必用  
非楚利也王止不逐嬰子十一年威王卒子懷王熊槐立  
魏聞我喪伐我取陘山懷王五年秦初稱王六年使柱國  
昭陽將而攻魏破之於襄陵得八邑又移兵攻齊齊王患  
之陳軫適為秦使齊齊王曰為之奈何陳軫曰王勿憂請  
令罷之即往見昭陽軍中曰願聞楚國之法破軍殺將之  
何以貴之昭陽曰官為上柱國時執珪軫曰其有貴於此

者乎昭陽曰令尹陳軫曰今君已為令尹矣此國冠之  
也且請得璧豆一人有返其舍人一卮酒者舍人相謂曰  
人飲此不足請畫地為蛇蛇先成者獨飲之一人先成  
酒而起曰吾能為之及其為之足而後成人奪之酒下  
飲之曰蛇固無足今為之足是非蛇也今君相楚而攻魏  
破軍殺將功莫大焉冠之上不可以加矣今又移兵而攻  
齊攻齊勝之官爵不於此攻之不勝身死爵奪此為蛇  
為足之說也不若引兵而去以德齊此持蒲術也昭陽曰  
善引兵而歸燕韓君初稱王秦使張儀與齊楚魏相會盟  
齧桑十一年山東六國約共攻秦楚為從長至函谷關秦  
出兵擊六國六國兵皆引而歸齊獨後

史記於此言蘇秦  
約山東六國共



秦而戰國策言是歲五國攻秦趙李兌之計也案蘇秦始約從諸侯當趙肅侯十六年楚威王六年明年秦使犀首說齊魏共伐趙以敗從約蘇秦自此去趙而從約遂解至楚懷王十一年凡十四年是時蘇秦自燕入齊為齊人所殺矣然則函谷之魏將求和於秦使惠施之楚楚將入之兵非蘇秦明矣

秦杜赫謂昭陽曰凡為伐秦者楚也今施以魏來而入秦是明楚之伐而信魏之和也公不如無聽惠施而陰使人以請秦昭陽曰善因謂惠施曰凡為攻秦者魏也今子從楚為和楚得其利魏受其怨子歸吾將使人因魏而和惠子反魏王不悅杜赫又謂昭陽曰魏為子先戰折兵之半謁病不得請和不聽魏折而入齊秦子何以救之東有越累北無晉而又未定於齊秦是楚孤也不如速和昭陽曰善因令人謁和於魏十二年齊湣王伐敗趙魏軍秦亦伐

敗韓與齊爭長十六年秦欲伐齊而楚與齊從親秦惠王患之乃宣言張儀免相使儀南入楚謂王曰敝邑之王所甚說者無先大王雖儀之所甚願為門闡之廝者亦無先大王敝邑之王所甚憎者無先齊王雖儀之所甚憎者亦無先齊王而大王和之是以敝邑之王不得事王而令儀亦不得為門闡之廝也王為儀閉關而絕齊今使使者從儀西取故秦所分楚商於之地方六百里如是則齊弱矣是北弱齊西得秦私商於以為富此一計而三利俱至也王大說置相印於張儀日與置酒宣言吾復得商於之地群臣皆賀陳軫獨吊王曰何故軫曰秦之所為重王者以王有齊也今地未可得而齊交先絕是楚孤也夫秦又何



重孤國哉必輕楚矣且先出地而後絕齊則秦計不爲先  
絕齊而後責地則見欺於張儀見欺於張儀王必怨之是  
西起秦患北絕齊交如此而兩國之兵至矣臣故吊王弗  
聽因使一將軍從張儀西受地張儀至秦佯醉墜車稱病  
不出三月地不可得王曰儀以吾絕齊爲尚薄耶乃使勇  
士宋遺北辱齊王齊王大怒折楚符而合於秦秦齊交合  
張儀乃起朝謂楚將軍曰子何不受地從某至某廣袤六  
里楚將軍曰受命六百里不聞六里即以歸報王大怒興  
師伐秦陳軫又曰伐秦非計也不如因賂之一名都與之  
齊是我亡於秦取償於齊也吾國尚可存今王已絕於  
秦而責欺於秦是吾合齊秦之交而來天下之兵也國必  
大傷矣王不聽遂發兵西攻秦十七年與秦戰丹陽秦大  
敗我軍斬甲士八萬虜我大將屈匄裨將逢侯丑等七十  
餘人遂取漢中郡王大怒乃悉國兵復襲秦戰于藍田兵  
復大敗韓魏聞之南襲我至鄧楚聞乃引兵歸十八年秦  
使使約復與楚親分漢中之半以和楚王曰願得張儀不  
願得地張儀聞之請之楚秦王曰楚且甘心於子奈何張  
儀曰臣善其左右靳尚靳尚又能得事於楚王幸姬鄭袖  
袖所言無不從者且儀以前使負楚今秦楚大戰有惡臣  
非面自謝楚不解且大王在楚宜不敢取儀誠殺儀以便  
國臣之願也儀遂使楚王不見囚欲殺之儀私於靳尚靳  
尚爲請曰拘張儀秦王必怒天下見楚無秦必輕王矣又



謂鄭袖曰秦王甚愛張儀而王欲殺之今將以上庸之地六縣賂楚以美人聘王以宮中善歌者爲之媵王重地秦女必貴而夫人必斥矣夫人不若言而出之鄭袖卒言張儀於王而出之儀出王因善遇儀儀因說王叛從約與秦合親約昏姻張儀已出屈原使從齊來諫王曰何不誅張儀王悔使人追之不及靳尚因謂王曰臣請隨之儀事王不善臣請殺之楚小臣靳尚之仇也或謂魏張旌曰以張儀之智而有秦楚之用君必窮矣君不如使人微要靳尚而刺之楚王必曰儀也被儀窮則子重矣楚秦相難則魏無患矣旌果令人要靳尚刺之楚王大怒是歲秦惠王卒二十二年秦攻宜陽周君謂趙累曰子以爲如何對曰宜

拔也周君曰宜陽城方八里材士十萬粟支之軍二十萬景翠以楚之衆臨山而救之秦必退昔戍羈旅也攻宜陽而有功則周公且也無功則秦秦王不聽群臣父兄之議而攻宜陽宜陽不拔臣故曰拔周君曰子爲寡人謀奈何對曰君謂公爵爲執珪官爲柱國戰而勝則無加焉不勝則秦不接宜陽公進兵秦恐公之乘其敝也必以寶事秦公之爲已乘秦也亦必盡其實秦拔宜陽景素秦懼遽效煮棗韓氏果亦效重寶是時齊湣王欲與楚之與秦合乃使遺王書曰寡人患楚之不察秦王已死張儀走魏樗里疾公孫衍用而楚



疾善韓公孫衍善魏楚必事秦則韓魏恐  
合於秦則燕趙亦宜事秦四國爭事秦則楚  
三何不與寡人并力收韓魏燕趙與為從而尊  
兵息民令於天下則王名成矣王率諸侯並伐  
三取武關蜀漢之地私吳越之富而擅江海之  
一黨西薄函谷則楚之強百萬也且王欺於  
中兵挫藍田天下莫不代王懷怒今乃欲先事  
欲和於秦則齊王書猶諫未定下  
三和秦或言聽六昭雖曰王雖  
三諸侯必且取  
深善齊韓以重  
疾如是則

以求地矣秦破韓宜陽而韓猶復事秦者以先王墳墓在  
平陽而秦之武遂去之七十里以故尤畏秦不然秦攻三  
川趙攻上黨楚攻河外韓必亡楚之救韓不能使韓不亡  
然存韓者楚也韓已得武遂於秦以山河為塞所報德莫  
如楚厚臣以為其事王必疾齊之所信於韓者以韓公子  
昧為齊相也韓已得武遂於秦王甚善之使之以齊韓重  
樗里疾疾得齊韓之重其主弗敢棄疾也今又益之以楚  
之重樗里子必言秦復與楚之侵地矣於是王許之竟不  
合秦而合齊以善韓史記此事在二十二年秦拔宜陽取武遂二十三年秦復歸韓武遂故此事在懷王二十二年也  
年秦復歸韓武遂故此事在懷王二十二年也  
二十四年背齊而合秦秦昭王  
初立乃厚賂楚楚往迎婦二十五年王入秦與昭王約盟



於黃棘秦復與楚上庸二十六年齊韓魏以我叛約而合  
秦三國共伐我我使太子入秦而請救秦遣客卿通將兵  
來救三國引兵去二十七年秦大夫有私與楚太子鬪者  
太子殺之亡歸二十八年秦乃與齊韓魏共攻我殺將軍  
唐昧取我重丘而去二十九年秦復來攻大破我軍死者  
二萬殺將軍景缺王恐使太子為質於齊以求平三十年  
秦復伐我取八城秦昭王遺王書曰始寡人與王約為兄  
弟盟於黃棘太子為質至權也太子陵殺寡人之重臣不  
謝而去寡人誠不勝怒使兵侵君之邊今聞君王乃令太  
子質於齊以求平寡人與君接境壤界故為昏姻所從相  
親久矣而今秦楚不權則無以令諸侯寡人願與君王會  
武關面相約結盟而去寡人之願也王見書患之欲往恐  
見欺欲無往恐秦怒昭睢曰王無行而發兵自守耳秦虎  
狼不可信有并諸侯之心屈原亦止王毋西王子子蘭勸  
王曰奈何絕秦之權心於是往會秦詐令一將軍伏兵武  
關號為秦王王至則閉武關遂與西至咸陽朝章臺如蕃  
臣不與元禮王大怒悔不用昭子言秦因留王要以割巫  
黔中郡王欲盟秦欲先得地王怒曰秦詐我而又強要我  
以地不復許秦秦因留王楚大臣患之乃相與謀曰吾王  
在秦不得還要以割地而太子橫為質於齊齊秦合謀則  
楚無國矣乃欲立懷王子在國者昭睢曰王與太子俱困  
於諸侯今又背王命而立其庶子不義乃請太子於齊齊



潛王欲留太子以求楚之淮此齊相田文曰不可郢中立王是吾抱空質而行不義於天下也或曰不然郢中立王因與新王爲市曰與我下東國吾爲王殺太子不然將與三國共立之然則東國必可得矣齊王卒用其相計歸太子然亦謂太子與我東地五百里不然不得歸太子曰臣有傳請問之傳慎子曰獻之愛地而不送死父不義也太子從之齊乃歸太子太子至立爲王是爲頃襄王乃告秦曰賴社稷神靈國有王矣秦昭王怒齊使車五十乘來取東地王告慎子曰齊來求地爲之奈何慎子曰王朝群臣而問之可也上柱國子良入見元王曰寡人之得反國也以東地五百里許齊齊今求之奈何子良曰王親出玉聲而

齊乘之齊不與則不信不可以約結諸侯請與之而子良出昭常入見王復問之昭常曰不可與也去東地五百里是去國之半也且故曰勿與且請守之昭常出景鯉入見王復問之景鯉曰不可與也然楚不能獨守且西索救於秦景鯉出王召慎子告之以三大夫之計曰將孰用而可慎子對曰王皆用之王怫然作色曰何謂也慎子曰王使子良以車五十乘北獻地於齊發子良之明日以昭常爲司馬使守東土遣昭常之明日使景鯉以車五十乘西索救於秦王曰善從之子良至齊齊使人以甲受地昭常應齊使曰我主東土且與之生死悉五尺至六尺三十餘萬弊甲銑兵待於下塵齊王謂子良曰大夫來



獻地今常守之何如子良曰臣身受命於寡君是常矯也  
王攻之齊上起兵以伐昭常未涉疆秦畏齊之有東土也  
使羊戎告楚曰毋與齊東國吾與子出兵遂以五十萬臨  
齊右壤曰隘楚太子弗出不仁又欲奪之東地五百里不  
義其縮甲則可不然則戰齊王恐乃請子良南道楚西使  
秦以解齊患士卒不戰東地復全頃襄王元年秦出兵武  
關攻我大敗我軍斬首五萬取析十五城而去二年懷三  
歸秦覺之遮楚道懷王從關道走趙以求歸趙主父在  
趙太子惠文王初立行王事不敢納懷王欲走魏秦追至  
秦使復之秦懷王遂發病三年懷王卒于秦秦歸  
葬之皆憐之如悲親戚諸侯由是不直秦秦楚絕

秦使白起伐韓於伊闕斬首二十四萬秦乃遣王書曰楚  
百秦秦且率諸侯伐楚爭一旦之命願王飭士卒得一樂  
戰王患之乃謀復與秦平七年楚迎婦於秦秦楚復平十  
年齊秦各自稱帝月餘復歸帝為王十四年王與秦昭  
王好會于宛十五年王與秦三晉燕共伐齊取淮北十六  
年與秦昭王好會於鄔其秋復與秦昭王會穰十八年楚人  
不好以弱弓微繳加歸鴈之上者王聞召而問之其人因  
射獵以言伐國之事王復召與語遂言曰先王為秦所欺  
而客死於外怨莫大焉疋夫有怨尚有報萬乘白公子胥  
是也今楚地方五千里帶甲百萬猶足以踴躍中野而坐  
受困臣竊為大王弗取也王感其言遣使於諸侯復為從



欲以伐秦秦聞之發兵來伐楚欲與齊韓連和伐秦因欲  
圍周周王赦使武公謂楚相昭子曰西周之地絕長補短  
不過百里而名爲天下共主裂其地不足以肥國得其衆  
不足以勁兵雖無攻之名爲弑君然好事之君喜攻之且  
發號用兵未嘗不以周爲終始是何也見祭器在焉欲器  
之至而忘弑君之亂且恐天下以器離楚也且請譬之虎  
肉臊其兵利身人猶攻之澤中之麋蒙虎之皮人之攻之  
必萬於虎裂楚之地足以肥國屈楚之名足以尊主是豈  
器南別兵至矣於是楚計輟不行十九年秦伐我我軍敗  
割上庸漢北地與秦二十年秦將白起拔我西陵二十二年  
白起遂拔我郢燒先王墓夷陵我兵散不復戰東徙

陳二十二年秦使拔我巫黔中郡初屈原有寵於懷王王  
與之圖議國事應對諸侯甚尊任之上官大夫忌之讒之  
懷王王疑之不用原既勸懷王誅張儀又勸王無入秦王  
不聽而聽少子蘭入秦而不反故楚人皆賢屈原而咎子  
蘭及頃襄王即位以蘭爲令尹蘭因與上官大夫比而毀  
原王怒逐之原憤怨赴湘水死楚人傷之由是忠臣不爲  
用秦之未取郢也莊辛謂王曰王左州侯右夏侯從鄢陵  
君與壽陵君專淫佚侈靡不顧國政郢都必危王曰先生  
老悖乎將以爲楚國祚祥乎莊辛曰臣非敢爲祚祥也臣  
誠見其必然也王卒幸四子不衰楚國必亡臣請避於趙  
淹留以觀之莊辛去之趙五月而秦舉鄢郢王乃使人徵



莊辛於趙謝之曰寡人不能用先生之言今事至此為之奈何莊辛曰鄙諺曰見菟而顧犬未為晚也亡羊而補牢未為遲也湯武以百里昌桀紂以天下亡楚國雖小絕長續短猶數千里豈特百里哉王方愛懼乃受之執珪封陽陵君二十二年復收東地得兵十餘萬西取秦所拔我江旁十五邑以為郡距秦二十七年使三萬人助三晉伐燕復與秦平太子為質於秦使左徒黃歇侍太子三十六年王病太子亡歸秋頃襄王卒太子熊元代立是為考烈王王以黃歇為令尹封於吳號春申君考烈王元年納州於秦以平是時楚益弱六年秦圍邯鄲趙使平原君來告急春申君將兵救趙七年至新中秦兵去史記楚世家楚遣景陽救趙今

按年表及平原君春申君傳皆言春申君將而救趙故以春申為信十二年秦昭王卒使春

申君吊祠于秦十四年滅魯十六年秦王政立二十二年與諸侯共伐秦不利而去東徙都壽春命曰郢二十五年考烈王卒子幽王悍立王舅李園殺春申君幽王三年秦滅韓十年幽王卒同母弟猶代立是為哀王哀王立二月餘哀王庶兄負芻之徒襲殺哀王而立負芻為王是歲秦虜趙王遷王負芻二年秦伐我大破我軍亡十餘城三年秦滅魏四年秦將王翦破我軍於斬殺將軍項燕五年王翦蒙武遂破楚國虜王負芻滅楚為楚郡年表及王翦傳記楚亡事與楚

世家同惟秦始皇本紀二十三年王翦擊荆虜荆王項燕立昌平君為荆王反秦於淮南二十四年王翦復破荆軍昌平君死項燕自殺始皇二十三年則負芻之四年二十



而後項燕自殺與楚世家不同昌平君者楚人為始皇相  
國攻嫪毐毒者也始皇二十一年將攻荆徙昌平君於郢然  
無以考驗其實  
故兩存之也

蘇子曰楚靈王因陳公子招之亂而滅陳追討蔡侯般之  
弑君而滅蔡假大義以濟私欲晉政已亂莫之能救沛然  
自以為得計矣不十年而有乾谿之禍秦惠王使張儀說  
楚懷王欺而賣之如劫嬰兒昭王又誘而執之咸陽加之  
以兵遂分楚之半此其惡甚於楚靈王然傳子孫累世其  
禍乃應夫國於天地有與立矣一日為惡禍未即報也本  
弱者速斃根深者徐拔彼方以得為幸而不知天網之不  
失也是故楚雖已滅而楚之父老知秦之旤曰楚雖三戶  
亡秦必楚卒之滅秦者皆楚人也楚莊王討陳夏徵舒圍  
鄭及宋力皆足以取之棄而不有夫豈不欲畏天故也莊  
王旣伯諸侯而楚遂以興天命之不僭如此而可誣也哉

楚世家第十

楚世家第十



鄭世家第十一

古史十八

鄭桓公友者周厲王少子宣王庶弟也宣王二十三年初  
於鄭幽王八年為周司徒幽王以褒姒故王室多邪諸  
佞叛之桓公懼及其難問於史伯吾何所可以逃死史伯  
對曰一將卑戎狄必昌不可偏也當成周者南有荆蠻  
申呂應鄧陳蔡隨唐北有衛燕狄鮮虞路洛泉徐蒲西有  
虞虢晉隗霍楊魏芮東有齊魯曹宋滕薛鄒莒是非王之  
支子母弟甥舅則皆蠻荆戎狄非親則頑不可入也濟洛  
河潁之間子男之國虢郟為大虢叔恃勢郟仲恃險皆有  
驕侈貪冒之心君若以周難之故寄孥與賄焉不敢不許  
周亂矣必將背君若以成周之不伐之無不克矣既克二



邑鄔弊補丹依 歷華君之士也若前華後河右洛左濟  
主某驪而食溱洧修典刑以守之可以少固公說乃東寄  
孥也 號鄔受之十邑皆有寄地遂建國焉十一年申繒

召西戎以伐周殺幽王 於麗山之下桓公死之鄭人立其

子掘突是為武公 案宗隱鄭昭公名忽厲公名突皆武谷之孫世豈有孫與祖同名者武公之名

必傳者之誤理或然也然無以考證姑錄舊史而已武公復為周司徒國人宜之詩

人為之賦緇衣武公十年娶于申生寤生及後姜氏惡寤

生而愛段欲立之公弗許二十七年武公卒寤生立是為

莊公姜氏請封段邑之於京祭仲曰都城過百雉國之害

也公曰姜氏欲之焉辟害段既居京又私其旁邑公子只

復請除之公不聽二十二年段與姜氏謀襲鄭公聞之乃

使呂伐之段出奔共遷姜氏于城穎而誓之曰不及黃泉

毋相見也既而悔之穎封人考叔聞之言於公曰君何患

闕地及泉隧而相見可也公從之乃復姜氏如初鄭自桓

公而為周卿士平王始貳於虢周鄭相惡王子狐為質於

鄭鄭公子忽為質於周二十四年平王崩周人將以政畀

虢公四月使祭仲帥師取溫之麥秋又取成周之禾二十

七年公朝于周桓王不禮焉二十九年以太山之祊易魯

許田釋太山而祀周公虢公忌父遂為周卿士公以齊人

朝王三十年王命公為左卿士宋公不王公以王命討之

三十二年公及齊魯入許許男奔衛使許大夫百里奉許  
叔以居許東偏使公孫獲居許西偏曰我死則去之母與



許爭柘王復取我鄆焉邗之田而與我蘇氏十二邑蘇氏  
叛周王不能有也周自是遂失鄭是時楚方北征諸夏三  
十三年公會蔡侯于鄧以謀楚三十七年王奪公政公不  
朝王從蔡衛陳人來伐公禦之王卒敗祝聃射王中肩髀  
請從王公不許夜使祭仲勞王三十八年北戎伐齊太子  
忽帥師救之大敗戎師齊人餽諸侯之大夫使魯爲之班  
魯以周班後鄭忽怒四十二年以齊師衛師攻魯四十三  
年莊公卒祭仲立忽是爲昭公公之爲太子也齊侯將妻  
之以齊大非偶故辭及其敗戎師也齊侯又請妻之固辭  
祭仲曰君多內寵子無大援將不立不聽莊公寵子三人  
曰子突子亶子儀突母宋雍氏曰雍姑雍氏有寵於宋莊  
公宋人誘祭仲執而與之盟使立突歸忽出奔衛突立且  
爲厲公宋以立公故責賂無已魯侯欲平我於宋宋公不  
可元年十二月師及魯師伐宋二年宋以齊衛燕人來戰  
我及魯師敗之三年宋復以諸侯伐我四年公患祭仲專  
使其婿雍糾殺之不克糾死夏公出奔蔡昭公復入許叔  
入于許秋厲公入居于櫟冬諸侯伐我將納厲公不克初  
莊公將以高渠彌爲卿昭公惡之諫不聽公入二年渠彌  
弒公而立子亶子亶元年齊襄公帥于首止將討昭公之  
亂子亶會之高渠彌相齊人殺子亶而轅高渠彌祭仲逆  
子儀于陳立之子儀十四年厲公自櫟侵鄭獲傅瑕瑕請  
納公盟而舍之六月瑕弒子儀及其二子而納厲公公之



出十七年矣入而殺傅瑕以其貳於子儀又責原繁以其  
不納已也繁縊而死後元年公會諸侯于鄆齊桓公始伯  
既而宋齊邾伐郟我間之侵宋二年春宋齊衛伐我冬公  
及諸侯盟于幽始成于齊三年齊人以公之不朝也執我  
大夫詹五年周大夫奉王子頹以伐惠王不克出奔衛衛  
燕爲之伐周六年公和王室執燕冲父以王歸處于櫟子  
頹享大夫樂及徧舞公謂虢公曰子頹干王之位禍莫大  
焉而歌舞不倦是樂禍也樂禍必敗乃謀納王七年公及  
虢公納王殺子頹享王于闕西樂備原伯曰鄭伯效尤亦  
將有咎王賜我武公之略自虎牢以西五月厲公卒子文  
公捷立七年楚子元伐我入純門縣門不發楚言而出楚  
師疑焉諸侯來救楚師夜遁十三年狄入衛公惡高克使  
師師次于河上以禦狄久而弗召師潰而歸高克奔陳詩  
人爲之賦清人十四年楚人伐我比三歲來伐以我即齊  
故十七年齊桓公服楚於召陵師還將出於陳鄭之間陳  
轅濤塗與我大夫申侯謀譎齊使出於東方申侯許而陰  
背之齊侯說與之虎牢濤塗謂申侯必城之因譖之公曰  
申侯將以城叛十八年惠王將廢太子鄭而立帶齊桓公  
合諸侯盟于首止以定鄭王疾齊使周公道守鄭叛齊從楚  
公喜於王命逃歸不盟十九年諸侯伐我二十年齊復伐  
我公殺申侯以說秋世子華會諸侯盟于甯母華言於齊  
侯請去洩氏孔氏子人氏三族而以鄭爲內臣齊侯不許



二十一年公乞盟于齊二十九年殺世子華三十年齊桓  
公卒公再朝于楚宋襄公怒三十五年宋伐我楚子來救  
敗宋公于泓公享楚子取我二姬以歸晉公子重耳亡過  
我公不爲禮叔詹諫不聽二十七年伐滑王使伯服游孫  
爲滑請公不聽而執二子王以狄伐我取櫟王德狄人以  
其女爲后旣而黜之狄攻王王來處于汜公與孔將鉏  
甲父侯宣多省視官具而後聽政四十年公及楚人圍宋  
四十一年公如楚勸伐晉晉文公敗楚師于城濮公懼使  
人九行成公及晉侯盟于衡雍四十二年晉侯秦伯圍  
責無禮且貳於楚公使燭之武夜見秦伯曰鄭知之矣  
亡鄭以陪晉晉之厚君之薄也若舍鄭以爲東道主君

所不利秦伯說使杞子逢孫楊孫戍鄭而還晉師亦去  
初文公有子六人三華子臧得罪死子士死於楚子俞  
卒子蘭奔晉惟子瑕在而公惡之弗立也子蘭之母曰  
無姑賊妾也夢天使與已蘭曰余爲伯僚余而祖也以是  
爲而子故生子名之曰蘭蘭從晉侯圍鄭石癸曰吾聞姬  
媾耦其子孫必蕃於是召而立之以與晉平四十五年文  
公卒子穆公蘭立杞子使告于秦曰鄭人使我掌其北門  
若潛師以來鄭可得也秦伯從之八年秦師及滑鄭商人  
弦高將市于周以乘韋先牛十二以君命犒師且使遽告  
公使皇武子辭焉秦師知其有備乃去十年楚人間晉靈  
公之少也師于狼淵以伐我囚公子堅公子尤及樂耳遂



楚平十一年楚子伐宋田於孟諸宋公爲右孟公爲左  
孟十八年晉侯會諸侯于扈以我貳於楚不見公公子歸  
生使謂趙盾曰居晉楚之間而從於強令豈吾罪也晉人  
乃行成使趙穿公婿池來質我亦使太子夷石楚爲質于  
晉初宋人弑昭公而齊懿公凌虐魯國晉再合諸侯將討  
之皆取賂而還二十年公及楚盟以晉爲不足與也秋晉  
趙盾以諸侯伐我會于棐林楚爲賈來救囚晉解楊冬晉  
復伐我二十一年春歸生以楚令伐宋敗之于大棘囚華  
元獲樂呂晉再來伐二十二年及晉士會盟夏楚人侵我  
冬穆公卒子靈公夷立元年楚人獻鼃於公公子宋與歸  
生將見宋食指動謂歸生曰我如此必嘗異味公食大

宋之言召而弗與宋怒染指嘗之而出公欲以  
歸生謀而弑公諸大夫欲立公子去疾去疾辭曰公之  
長爲襄公襄公欲去穆氏而舍去疾去疾請與  
皆亡乃舍之皆爲大夫冬楚子伐我元年楚復伐我  
林父來救二年楚復伐我成而還三年公會諸侯于  
遷復與晉平五年楚子伐我晉卻缺來救公敗楚師于  
蔡國人皆喜去疾憂曰是國之災也吾死無日矣六年夏  
及楚人平諸侯之師伐我亦與之成冬楚子伐我晉士會  
以諸侯來救逐楚師于潁北遂戍鄭公子歸生卒討靈公  
之亂斲其棺而逐其族七年楚子伐我去疾曰晉楚不務  
德而兵爭與其來者可也晉楚無信我焉得有信乃從楚



盟于辰陵且徼亭于晉八年春楚子圍我旬有七日國人  
大臨守陴者皆哭楚師退我復修城楚師復進三月入郢  
公肉袒牽羊以逆楚師為我退三十里而平夏晉荀林父  
帥師來救群帥不協楚人敗之於邲十年晉侯伐我公如  
楚謀晉十七年晉侯復以諸侯伐我公子偃禦之敗諸侯  
與十八年春襄公卒悼公費立冬晉欒書伐我楚公二  
來救公與許男訟于側兜年公與許男皆訟於楚我公不  
公歸請成于晉八月及晉趙同盟于垂棘二年春公如  
平成六月悼公卒弟成公踰立楚公子嬰齊伐我晉欒書  
夾救遇於繞角楚師還成公元年春公如晉秋楚欒書  
我晉侯帥諸侯來救囚楚鄭公鐘儀二年楚人

我公會楚公子成于鄧秋公如晉人執公而使欒書  
伐冬楚嬰齊侵陳以救我公孫申謀曰我出師圍許為  
將敗立君者而紓晉使晉必歸君乃圍許四年晉使衛侯  
我公子班以申之謀立公子繻國人殺繻而立世子髡頭  
晉人伐我而歸公賂之以襄鐘盟于脩澤公子駢質焉公  
歸而討立君者殺叔申叔禽公子班出奔許六年晉楚之  
大夫盟于宋曰無相加戎公如晉聽成九年楚背晉侵我  
喜侵楚取新石十年春楚以武城之田求城駢從楚子盟  
于武城夏喜伐宋宋將鉏樂懼敗諸洧陂宋師舍於夫渠  
不備喜覆而敗之獲其二帥我及楚子與晉侯戰於鄢陵  
定鄭皆敗績晉人射楚子中目秋晉侯復以諸侯伐我言



河軍之宋齊衛皆失軍十一年春駢侵晉衛人侵我以救  
夏太子髡頑侯孺為質於楚楚人來戍是歲晉悼公初  
以諸侯伐我楚嬰齊來救自是晉再伐我楚再來救十  
四年夏成公卒子僖公憚立成公疾病大夫請息肩于晉  
公曰楚君以鄭故親集矢於目若背之其誰暱我秋諸侯  
會于戚以謀我冬諸侯城虎牢我及晉成僖公無禮於諸  
侯五年將會諸侯于鄆駢相又不禮焉駢使賊弑公而  
瘞疾赴于諸侯子喜生五年春而立之是為簡公元年  
春群公子謀討駢駢先之反殺群公子公子發侵蔡獲蔡  
公子燮諸侯會于邢丘公親獻捷于會冬楚公子貞伐我  
子駢公子發公孫輒欲從楚公子嘉公孫蔓公孫舍之  
以待晉駢曰謀之多族事無成姑從楚以紓吾民晉師  
至吾又從之敬共幣帛以待強者而庇民焉可也公曰之曰  
小所以事大信也小國無信兵亂日至亡無日矣晉君之  
明四軍無闕八卿和睦必不棄鄭楚師遼遠糧食將盡必  
將速歸何患焉駢不從遂及楚平二年晉以諸侯來伐將  
圍成乃行成將盟晉人為書曰鄭國不唯晉命是聽有如  
此盟駢曰天禍鄭國使介居二大國之間大國不加德音  
而亂以要之使其鬼神不獲歆其禋祀人民不獲享其土  
利夫婦辛苦執事隘無所底告今日既盟之後鄭國不唯有  
禮與強可以庇民者是從而敢有異志亦如之晉人不得  
已而盟復以諸侯伐我而去嘉欲擊晉師舍之止之冬楚



一伐我駢欲及楚平嘉與萬曰與大國盟口血未乾而背之若何駢舍之曰吾盟固云乃及楚平三年夏輒及楚公丁貞伐宋衛侯救宋舍之曰必伐衛以明與楚使皇耳侵衛衛人獲皇耳輒又與楚侵魯魯仲孫蔑曰鄭執政將有以各師競甚矣秋晉侯以諸侯伐我師于首止尉止與駢恐帥群不逞以作亂殺駢發輒三大夫嘉知而匿之故當國諸侯城虎牢而戍之晉師城梧及制士勦宛落及及晉平楚貞來救宵涉潁與楚人盟諸侯之師侵而歸諸大夫患晉楚之故皆曰楚弱於晉晉不與晉疾楚將辟之能使晉師致死於我楚不敢敵則與矣舍之曰與宋為惡諸侯必至吾從之

又從之則晉怒甚矣晉能驟來楚將不能吾乃固與晉大夫說使疆場致惡於宋四年春宋向戌侵我大獲夏舍之侵宋諸侯圍我秋及諸侯盟于亳楚子秦師來伐我逆而與之伐宋諸侯復來伐我乃使良宵石臬如楚告曰孤以社稷之故不能懷君君若能以玉帛緩晉不然則武震以攝威之孤之願也楚人執之乃行成于晉冬公會諸侯于蕭魚晉人歸鄭內納斥侯禁侵京十一年冬公會諸侯圍齊公孫萬良宵公孫異法行嘉令之公孫夏守嘉謀去諸大夫將叛晉而起楚師以圖之楚令尹午帥師伐我二子知其謀完守入保嘉不敢應楚無功而還十二年國人討尉止及楚師之難嘉以甲自守舍之夏率國人伐而殺之逐其



黨子革子良皆奔楚立公孫僑爲卿十七年秋諸侯會于夷儀將伐齊冬楚子以諸侯之師伐我以救齊當陳隧者并埋木刊鄭人怨之十八年夏舍之僑以車七百乘入陳命師無入公宮陳侯免擁社使其衆男女別而繫以待於朝賂我以宗噐舍之執繫而見再拜稽首承飲以獻僑入數俘而出祝收社司徒致民司馬致節司空致地乃還冬公如晉拜陳之功夏復伐陳取成而還許人有怨於我十九年秋許靈公如楚請師而卒于楚楚子曰不伐鄭何以求諸侯冬楚子來伐僑曰晉楚將平楚王於是昧於一來不知使逞而歸乃易成也舍之說不禦寇楚獲九人而歸二十年良宵會晉曰楚及諸侯之大夫盟于宋旣盟公

享趙武于垂隴大夫七人皆從武請賦以觀其志退而告人曰皆數世之主也良宵賦鶉之奔奔武曰是將爲戮二十一年秋使游吉如楚及漢楚人辭之而要公吉還以告舍之舍之曰楚不脩政德而貪昧於諸侯以逞其私願以得乎君其往也送葬而歸以快楚心楚不十年未能諸侯也吾乃休吾民矣九月游吉如晉告朝于楚公如楚楚康王卒二十二年舍之卒其子虎即位鄭饑虎以父命餼國人粟戶一鐘是以得鄭國之民故罕氏世掌國政以爲上卿良宵將使公孫黑如楚黑不願強使之黑將攻之大夫和之盟而止裨諶曰禍未歇也必三年而後紓二十三年夏公及大夫盟良宵又將使黑如楚宵嗜酒七月



及其醉伐之醒而奔許公盟大夫於太宮盟國人下師之  
梁宵自墓門之竇入駟帶率國人攻而殺之罕虎以政授  
國僑僑爲政一年輿人誦之曰取我衣冠而褚之取我面  
疇而伍之孰殺子產吾其與之及三年又誦之曰我有子  
弟子產誨之我有田疇子產殖之子產而死誰其嗣之二  
十四年夏公如晉使印段如楚以適晉告二十五年楚  
尹圍娶于公孫段氏國人懼其襲我使行人翬辭焉楚人  
知其有備請垂橐而入乃許之黑與公孫楚爭室婦人欲  
從楚黑橐甲以見楚將殺之楚擊之傷大夫畏黑爲之  
楚於吳六月公及大夫盟于公孫段氏六卿私盟于蕪  
黑強與於盟書曰七子晉趙武死公往吊之趙氏辭  
而復二十六年黑將作亂欲去游氏而代其位傷疾作而  
不果大夫數其罪戮之二十七年秋罕虎如晉告將適楚  
冬公如楚楚子及公田於江南二十八年僑作丘賦國人  
謗之三十年春僑鑄刑書晉叔向以書非之不聽士文伯  
曰火未出而作火以鑄刑器火見鄭其灾乎六月丙戌鄭  
灾三十六年簡公卒子定公寧立元年秋公會諸侯于平  
丘僑爭承晉人許之罕虎卒僑哭之曰吾已無爲爲善矣  
惟夫子知我四年晉韓起來聘求賈人之玉僑辭焉起以  
玉與馬私覲於僑而謝之四年冬有星孛於大辰西及漢  
裨竈謂僑曰宋衛陳鄭將同日火若我用瑾罍玉瓚鄭必  
不火僑弗與六年五月壬午宋衛陳鄭灾三日哭國不市



裨竈曰不用吾言鄭又將火鄭人請用之子產不可亦不復火八年僑卒孔子聞之出涕曰古之遺愛也史記子產卒

卒後此二十六年十二年公如晉游吉相與范鞅言及王今以左氏為信

子朝之亂鞅曰若王室何吉曰老夫其國家不能恤敢及

王室王室之不寧晉之耻也鞅懼與韓起謀而納王十六

年定公卒子獻公薑立二年晉頃公卒游吉吊且送葬晉

人以其無貳詰之對曰晉之喪事敝邑之間寡君有所助

執紼矣若其不間雖士大夫有不足也靈王之喪我先君

簡公在楚印段實往一吏不討恤所無也今日女盍從舊

舊有豐有省不知所從其豐則寡君幼弱從其省則言

在此矣晉不能詰十年正月游速帥師滅許周儋翩率王

子朝之徒將因我以作亂于周此為之伐馮滑晉靡齊

狐人闕外二月晉人使魯來討四年十一年公及齊侯盟

於鹹始叛晉十三年獻公卒子赧公勝立鄭益弱駟欵殺

鄧析而用其竹刑君子罪之元年游速會齊侯衛侯于安

厓二年及魯平五年冬晉范氏中行氏既出奔復入我師

助之晉人敗我于百泉六年宋平元之族自蕭來奔夏齊

達敗宋師于老丘八年齊人輸粟于范氏罕達駟弘送之

皆趙鞅伐我戰于鐵我師敗績十三年春宋師侵我宋

自此連歲相侵爭邊邑至十九年以所爭邑為墟乃止二

十六年晉荀瑶伐我取九邑三十三年荀瑶復伐我齊

桓來救晉師還三十七年聲公卒子哀公錫立八年鄭

桓來救晉師還三十七年聲公卒子哀公錫立八年鄭



弒公而立聲公之弟丑是為共公三十年共公卒子幽公  
已立元年韓伐我殺幽公鄭人立幽公之弟駘是為繻公  
年表云十五年韓來伐取雍丘城京十六年伐韓敗之於  
幽公子負黍二十年韓魏趙列為諸侯二十三年圍韓陽翟二十  
五年殺相子陽二十七年子陽之黨弒繻公而立幽公之  
弟乙是為鄭君二年負黍反復歸於韓十二年韓伐我取  
陽城二十一年韓哀侯滅鄭

蘇子曰鄭之諸公相武之後惟莊公為賢然其為人言  
而任數相武之風衰焉叔段之亂諸大夫皆欲早為之  
莊公之明足以制之然釋而不問俟其惡成而後加之  
夫戮此非不忍於弟蓋忍之至也孔子深探其心之言

鄭伯克段于鄆而立明謂之鄭志蓋謂此也周平王相王  
賁於虢公莊公既質王子取麥禾矣則又率齊而朝之伐  
宋而說之政不可得於是兵交中原射王中肩烏乎其被  
心發於中卒不可蓋如此鄭自莊公始畏楚穆襄之後無  
歲不被晉楚之兵子駘子展為政不知所出惟其來者與  
之鄭幾於亡及晉悼公三帥諸侯以弊楚師楚不能爭而  
子產受之以禮自固雖晉楚之暴不能加焉詩云誰能執  
執逝不以濯又曰無競維人四方其訓之吳季札過鄭謂  
子產政將及子子為政必慎以禮不然鄭國將敗子產用  
之鄭以復安如季子可謂知務矣哉



鄭世家第十一

越世家第十二

古史十九

越王句踐其先禹之苗裔夏后少康之庶子也封於會稽

謂之越子斷髮文身披草萊而邑焉

或謂越祝融之後莘姓故史伯告鄭桓公

曰莘姓夔越不足命也史記越為禹後妣姓未知孰是

其先二十餘世不通於諸侯

與吳為鄰世相攻戰至於允常吳王闔閭立五年始舉兵

伐之春秋謂之於越魯史墨聞之曰越得歲而吳伐之不

及四十年吳將不免闔閭十年克楚入郢越間之入吳吳

亦敗於秦楚而歸允常卒子句踐立時闔閭之十九年也

越王句踐元年闔閭因其喪伐之句踐禦之陳于檣李患

吳之整也使死士冉禽焉不動使罪人三行屬劍于頸曰

二君有治臣奸旗鼓不敢逃死遂自剄也師屬之目因而



伐之大敗吳師闔閭傷指而卒其子夫差日夜勤兵且以報越三年越欲先吳未發往伐之大夫范蠡諫曰不可臣聞兵者凶器也戰者逆德也爭者事之末陰謀逆德好用凶器試身於所未上帝禁之行者不利越王曰吾已決之矣遂興師吳王悉發精兵擊越敗之夫椒遂入越越王以甲楯五千保於會稽謂范蠡曰以不聽子故至此為之奈何范蠡對曰卑辭厚禮以遺之不許而身與之市越王許之乃使大夫種因太宰嚭以行成於吳腴行頓首曰君王許臣句踐使陪臣種敢告下執事句踐請為臣妻為妾吳王許之伍員言於吳王曰天以越賜吳勿許也種還以說吳王越王欲殺妻子燔寶器觸戰以死種止之曰吳太

宰嚭可誘以利請問行言之於是越王乃以美女寶器令種間行獻嚭嚭受之乃見種於吳王種頓首言曰願大王赦句踐之罪盡入其寶器不幸不赦句踐將盡殺其妻子燔其寶器悉五千人觸戰必有當也嚭因說吳王越已服為臣若將舍之此國之利也吳王將許之伍員進諫曰今不滅越後必悔之句踐賢君種蠡良臣若反國將為亂吳王弗聽卒赦越罷兵而歸越王之困會稽也喟然歎曰吾終於此乎種曰湯繫夏臺文王囚羑里齊小白奔莒晉重耳奔狄其卒王伯何遽不為福乎及其反乃苦身焦思置膽於坐坐臥即仰膽飲食亦嘗膽也曰汝忘會稽之耻耶身自耕作夫人自織食不加肉衣不重采折節下賢厚遇賓



客振貧弔死與百姓同其勞欲使范蠡治國政蠡曰兵甲之事種不如蠡鎮撫國家親附百姓蠡不如種於是舉國政屬大夫種而使范蠡與大夫拓<sub>猶</sub>爲質於吳五年而吳歸蠡九年越王自會稽歸七年矣其士民皆欲用以報吳大夫逢同諫曰國新流亡今乃復殷給繕飾備利吳必懼懼則難必至且鷙鳥之擊也必匿其形今夫吳兵加齊晉怨結楚越名高天下實害周室德少而功多必淫自矜爲戕計莫若結齊親楚附晉以厚吳吳志廣必輕戰是我連其權三國伐之越承其弊可克也越王曰善十一年吳王伐齊十三年將復伐齊越王率其衆朝焉王及列士皆有饋賂吳人皆喜唯伍員懼諫弗聽遂伐齊敗之而歸殺伍

員而任嚭以政越王召范蠡曰吳已殺子胥導諛者衆可乎對曰未可十四年吳會魯棠阜十五年吳會晉黃池吳精兵從王惟老弱與太子守越王復問范蠡蠡曰可矣夏六月丙子伐吳爲二隧疇無餘謳陽自南方先及郊吳太子友王子地王孫彌庸壽於姚自泓上觀之彌庸見黠蔑之旗曰吾父之旗也不可以見讎而弗殺也屬徒五千王子地助之乙酉戰彌庸獲疇無餘地獲謳陽越王至王子地守丙戌復戰大敗獲太子友彌庸壽於姚丁亥入吳吳王歸自黃池使人厚賂以請成越台度亦未能滅吳乃與吳平十九年越復伐吳吳士民罷弊輕銳死於齊晉遇於笠澤夾水而陳越爲左右句卒使夜或左或右鼓譟而進



吳師分以禦之越以三軍潛涉當吳中軍而鼓之吳師大  
亂遂敗之二十一年越圍吳二十三年始聘於魯二十四  
年夏納邾隱公邾太子革來奔吳王夫差棲於姑蘇之山  
使公孫雄請成於越肉袒膝行而前曰孤臣夫差敢布腹  
心異日嘗得罪于會稽夫差不敢逆得與君王成以歸今  
君王舉玉趾而誅孤臣惟命是聽意者亦如會稽之赦孤  
臣之罪乎越王不忍欲許之范蠡曰會稽之事天以越賜  
吳吳不取今天以吳賜越越其可逆天乎且夫君王蚤朝  
晏罷非為吳耶謀之二十二年一日而棄之可乎天與弗  
取反受其殃伐柯者其則不遠君忘會稽之厄乎越王曰  
吾欲聽子不忍其使者范蠡乃鼓進兵曰王已屬蜀政於執

事使者去不者且得罪使者泣而去十一月遂滅吳夫差

自殺越王葬之

史記越王葬吳王而誅大宰嚭嚭之罪諱之固當然左傳哀公二十四年公如越得

太子適郢將妻公而多與之地公孫育山告于季孫季孫懼使因太宰嚭而納賂乃止滅吳後二年嚭尚在則越未嘗誅

也越王已平吳乃以兵北渡淮與諸侯會于徐州致貢

於周周元王使人賜越王胙命為伯越乃以淮北地與楚

歸吳所侵宋地於宋與魯泗東方百里當是時越兵橫行

於江淮東諸侯畢賀號稱伯王范蠡遂去自齊遺大夫種

書曰蜚鳥盡良弓藏狡兔死走狗烹越王為人長頸鳥喙

可與共患難不可與共樂子何不去種見書稱病不朝人

或讒種且作亂越王乃賜種劍曰子教寡人伐吳七術寡

人用其三而敗吳其四在子子為我從先王試之種遂自



殺二十五年秋魯哀公使叔青來聘使諸鞅報聘於魯二十六年魯哀公來朝二十七年衛出公在城鉏使其祝史揮來請師以伐衛二十八年夏使自十如后庸帥師會宋魯之師以納衛侯取賂弗克納而還衛侯來奔遂死于越二十九年春使后庸聘于魯且言邾田封于駘上秋魯哀公來奔王句踐卒左傳史記皆不記句踐之年然史記稱越王元年闔閭允常死與師伐越敗於莠王不壽立王不壽卒子王翁立王翁卒子王翳立王翳卒子王之侯立王之侯卒子王無疆立無疆與師北伐齊西伐楚與中國爭疆當楚威王時越方伐齊齊宣王使人說越王曰越不伐楚大不王小不伯圖越之所以不伐楚者

為不得晉也韓魏固不攻楚韓之攻楚覆其軍殺其將則葉陽翟危魏亦覆其軍殺其將則陳上蔡不安故二晉之事越不至於覆軍殺將汗馬之力不效所重於得晉者何也越王曰所求於晉者不至於頓兵接刃而況攻城圍邑乎願魏以聚大梁之下願齊之試兵南陽莒地以聚常鄒之境則方城之外不南淮泗之間不東商於析酈宋胡之地夏路以左不足以備秦江南泗上不足以待越矣則齊秦韓魏得志於楚也是二晉不戰而分地不耕而獲之不此之為而頓刃於河山之間以為齊秦用所待者如此其失計柰何其以此王也齊使者曰幸也越之不亡也吾不貴其用智之如目見毫毛而不見其睫也今王



知晉之失計而不自知越之過是日論也王所待於晉者非其馬汗之力也又非可與合軍連和也將待之以分楚衆也今楚衆已分何待於晉越王曰奈何曰楚三大夫張九軍北圍曲沃於中以至無假之關者三千七百里景翠之軍北聚齊魯南陽分有大於此者乎且王之所求者闔晉楚也晉楚不鬪越兵不起是知二五而不知十也此時不攻楚臣是以知越大不王小不伯復讎龐長沙楚之粟也索隱復猶言況復也讎當作犍犍龍長沙三邑也竟澤陵楚之材也越窺兵遠其敝可以伯而不伯者王道失也故顯大王之轉攻楚也於是越遂釋齊而伐楚楚威三興兵而伐之太敗越殺王

無疆盡取故吳地至浙江北破齊於徐州而越以此散諸族子爭立或爲王或爲君濱於江南海上服朝於楚後七世至閩君搖佐諸侯平秦漢高帝復以搖爲越王以奉越後東越閩君皆其後也

蘇子曰吳以蠻夷爭盟上國陵蔑齊晉結怨楚越再世而亡何者地遠而民勞勢不順也越王句踐旣克夫差雖號伯王而實斂兵自守無大征伐分吳故土以畀楚宋魯遂以保國傳世彼親見其害知所以自監矣哉至王無疆無闔閭之知而有夫差之愚其殘國且矣昔楚莊王克陳宋鄭力能取之而不有諸侯安之而楚遂以興靈王大城陳蔡不羹經營中夏貪而不止則身受其咎蓋東南之常勢



於是可見矣自東晉以來至於陳皆國於吳越之墟成敗  
之迹無不然者雖相溫劉裕善用兵或能一勝而民以罷  
弊訖於無成至殷浩庾亮蓋不足數也如謝安之賢猶勉  
疆北征失策而死亦眩於其名而未安其實故耶嗟夫謀  
國如蔡謨吾有取焉

越世家第十二







